

schickt worden/ vbergab er sie dem Jägermeister/ vnd befahl/ er solte ihm alßbald einen Extract, oder kurtzen Auszug machen/ vnd anzeigen/ was darinnen begrieffen were. Da er sich aber entschuldiget/ er wüßte mit den Sachen nicht vmbzugehen/ wüßte auch nicht/ was ein Extract were: Wenns etwa ein Rehe zu schiessen were/ so verstünde er sich besser drauff. Darauff antwortet der Keyser: Hörstu/ meine Schreiber die wissens: drumbedencke/ vnd laß sie mir hinführo zu frieden/ denn es kan ein Herr nicht nur mit Jägern/ vnd Reutern Hofhalten/ er muß auch gelehrte Leute vnd Schreiber haben.

Requiriti  
boni consu-  
liarii.  
Psal. 101.

Was aber ein Herr vor Leute/ vnd Rätthe an seinen Hof nehmen sol/ lehret vns David Psal. 101. Meine Augen/ sagt er/ sehen nach den Trewen im Lande/ vnd habe gerne fromme Diener: Falsche Leute halte ich nicht in meinem Hause/ die Lügner gedeyen nicht bey mir. Dergleichen Jethro/ der beschreibet sie noch deutlicher/ Exod. 18.

Exod. 18.

Erstlich/ Sollen sie seyn Viri, Männer/ sie sollen ein Mannes Hertz haben/ daß sie einem bösen Buben können getroßt vnter Augen sehen/ Denn wehe dem Lande/ des König ein Kind ist/ Eccles. 10. Vnd Esai. 3. dreyet Gott dem Jüdischen Volk/ als eine Straffe/ daß er Kinder/ vnd Weiber wolle vber sie herrschen lassen.

Eccles. 10.  
Esai. 3.

Sie sollen seyn/ zum andern/ **וְיָרֵא**, viri strenuitatis, Tapffere/ Bestrenge/ vnd Ehrveste Männere/ die ihnen ihr Ampt trewlichen lassen angelegen seyn/ vber Tugend/ vnd Erbarkeit steiff/ vnd fest halten/ vnd nach gelegenheit einen Ampts Ernst zu gebrauchen wissen.

Lin

